

E8 Skêpitori



Jek Ŗomengo skêpitori ando logoro Lackenbach sas o raj o barono György de Rohonczy. Ŗi ka bêš 1921 sas vov jek šêrutno administracijako funkcionaro kata o distrikto Oberpullendorf. Sar čačkano monarxisto mêklja vov peski administracijaki bući ando bêš 1919 ka republikaçi proklamacija haj kêrelas bući pe peskê phuvja. Pala pîterimos kata o „Zigeunerlager Lackenbach“ ando bêš 1940 primisardja vo but Ŗomane familije lengê šavenca palaj bući pe peskê kîmpura thaj phuvja, vo pravardja len lašes sar trobul dja len vi bêšimaskê thana haj kodolasa skêpisardja lengo trajo. Maj but de 50 Ŗom kaj kêrenas leste phuvjaki bući daštisarde te našen ando Ungro paj bar. Pala kodo ažutimos č' eg data nas le ras Rohonczy problemur kata l' Hitleroskê raj. Lesko ažutimos sas jeg lašo egzemplo vi pala aver phuvjakê raj, kaj vi von rode Ŗomen anda lageri thaj kadja daštisarde te skêpin lengo trajo.

1910

1951

1940

💡 Ŗanglen tumen

... kê pala o bêš 1945 sas but žene, isključime katar o resto le narodosko kê skêpisarde progonime manušen? But žene bêšsenca či mothode khanikaste, kê von rizikujisarde pesko trajo kaj ažutisarde thaj skêpisarde progonime manušen.

✍ Tumari bući

Arakhên ande tumaro them avêre ženen, save pe Hitleroskî vrjama ažutisarde progonime manušen. Pe savi sama del pe lengê godji? Sî ande tumaro them vi aver našade manušen grupe, save primisajle?

📷 Paj fotografija

O Baron György de Rohonczy. Privatnone thaneste, ka Gerhard Baumgartner



<https://romasintigenocide.eu/kalderasch/e>